

澤州府志卷之十四

陵墓

澤州府

鳳臺縣

周藺相如墓在莒山南

晉平西將軍周處墓相傳在周村西 當以常州荆溪縣爲

正然處力戰沒嘗賜墓地一頃則高都或賜地也

唐將劉友信墓在城西二里

宋崇文院檢討劉羲叟墓羲叟精筭術未病嘗曰吾及秋必
死自擇地於父冢旁占庚穴以語其妻如其言葬之

金狀元李俊民墓在崔家莊北

威州刺史武僊墓在天井關

澤州府志

卷之十四

陵墓

一

章宗元妃李氏墓在庾能村南李氏名師兒卽宮教張建
隔紗指字所謂聲音清亮者也明昌四年封昭容明年進
淑妃後又進元妃父湘追贈隴西郡公祖曾祖胥追贈而
墓在澤州可備博考

元段直墓在城西二十六里澤州長官劉因撰碑

明宣寧六王簡莊王和僖王恭安王康靖王昭榮王溫簡王
墓胥在城東大嶺村

隰川五王懿安王恭僖王莊隱王康肅王莊惠王墓胥在

城東北原

布政張忠公曷墓上滾村

侍郎楊砥墓城南

尚書侯璉墓在城西勅修王直撰碑

侍郎贈尚書孟春墓在金剛嶺勅修

棗疆知縣贈太僕卿段豸墓在中村

行人孟陽墓在大陽鎮勅建

侍郎張毅敏養蒙墓在大陽鎮勅建

尚書裴宇墓在大陽鎮勅建

尚書周盤墓在葦町

給事徐觀闡墓在金村

御史翟學程墓在翟家河底

叅政贈光祿卿張光奎墓香山寺

御史王允成墓江匠村

大理少卿張光前墓上輦村

河內知縣丁泰運墓張家嶺

澤州府志

卷之十四

陵墓

二

贈光祿大夫工部侍郎王國賓墓在縣南三十里秋木窠

眞定知縣王緒宏墓楊家凹

進士朱廷壻墓屋廈村

沐陽知縣程接孟墓張家嶺

國朝贈吏部尚書陳昌期墓樊山百鶴阡

大學士謚文正陳廷敬墓在樊山嶺紫芸阡李光地誌銘

巡撫苗胙土墓在感義里胡家莊

贈光祿大夫工部侍郎王自振墓在縣南秋木窠

贈光祿大夫工部侍郎王璇墓在城東二十里豐安村

贈光祿大夫工部侍郎授明威將軍王珣墓在縣西南二十

里常村環峯阡

光祿大夫山東鹽法都轉運使司副使道王廷掄墓在城

南二十五里白雲阡

南宮知縣孔文明墓在汪家莊

工科給事張京墓在謝匠村

南安知縣趙世禎墓在郝匠村

樂亭知縣張德祁墓在大陽鎮東南

資政大夫工部左侍郎王廷揚墓在城西南常村環峯阡

光澤知縣張文燦墓在河東村

高平縣

上古炎帝陵相傳在縣北四十里換馬鎮帝嘗五穀於此後人思之乃作陵陵後有廟春秋供祀縣志帝陵在湖廣衡州府酃縣康樂鄉此特其虛塚云

漢陳龜墓縣東南三十里龍尾里羊虎翁仲尚存

澤州府志

卷之十四

陵墓

三

唐二賢墓在縣北十五里長受村二賢文林郎李恪暨姪將仕郎李亮墓爲居民杜氏宅明洪治中鬪地得擴穴銘石知縣楊子器奪杜氏地復作墳嘉靖三十九年知縣張鹵復新之勒石爲記

上騎都尉李典墓在武鄉村卽今唐安岸潰石銘出存里

中集鴻砦

宋郎中張維則墓在野川西澤州僉判李之才撰碑

大中大夫張宗古墓在通義南秘書正字秦垣撰碑

李常侍墓在董寨村隴西成紀人福王綰之後五代時曾守澤州遂占籍高平

金李文簡晏墓在城南刺史許安仁撰碑

李襄獻仲畧墓在文簡墓側

翰林學士知制誥趙可墓在魏東舍利山麓

武寧軍節度使張師顥墓在玉井西刺史侯大中撰表

濮州刺史張國綱墓在南陳里

狀元陳載墓在馬村西明萬曆裔孫陳陞立碑

元廉訪使宋翼墓在高良西學士歐陽元誌

明孝子王敬墓在金峰山東學士曾鶴齡誌

子太僕寺丞王燧墓附

光州知州郭質墓在長受里

員外贈太僕卿申良墓在建寧鎮翠屏山

太僕卿趙駙墓趙莊村

工部右侍郎郭鑿墓在長受里勅建侍郎李璣撰碑

工部左侍郎食尚書俸郭鋈墓在長受里勅建

山東僉事馮顥墓唐安西

澤州府志

卷之十四

陵墓

四

陝西副使常存仁墓縣北三里

知府劉崇文墓在龐村西

詹事劉虞夔墓在崇文墓側勅建學士王家屏誌

太常寺卿郭東墓在建寧里勅建禮部侍郎李廷機誌

渭南知縣贈僉事忠烈楊暄墓在城西北王莊編修李士

淳誌

國朝大理寺卿王邦柱墓在唐安東

刑部侍郎加尚書服俸李藻墓在龍從山麓

湖廣布政畢振姬墓在得義村

兵部右侍郎加光祿大夫李棠馥墓在城北里

浙江巡撫田逢吉墓在通儀里宰家壇

陽城縣

宋如京使兵馬都監何漢榮墓在縣西北五里酒進賢山長
王虞撰碑

元忠昌軍節度鄭臯墓在城東三十里屯城村臯節度鄭鼎
父

潞國公鄭忠肅鼎墓在縣東三十里屯城村學士王磐撰
碑

湖廣行省叅政鄭昂霄墓縣東南二里一碑左司郎中許
有壬撰一碑學士揭傒斯撰

四川行省叅政田輔墓縣西五里與孫鐸同塋
贈奉訓大夫通政院判官飛騎尉追封陽城縣男尹公墓師

彥父在縣東八里尹家溝

澤國公鄭忠宣制宜墓在縣東三十里學士王構撰碑

澤州府志

卷之十四

陵墓

五

唐僧弘密塔在盤亭山

明兵部尚書宮保原襄敏傑墓在縣南三十里下交村學士
商輅撰碑

巡撫雲南左僉都御史楊貞肅繼宗墓在縣南十五里匠
禮村北岡後華容黎淳撰碑

叅政田鐸墓在縣西北五里

叅政王珙墓在縣西南岡上孟春誌銘

布政李豸墓在縣東二十五里白巷村

太子太保吏部尚書王國光墓在縣東三十里上佛村尚
書張愼言撰碑

叅政張昇墓在縣東三十里屯城村

叅議栗魁周墓在縣東南三里

副使楊植墓在縣東二十五里白巷村

太子少保兵部尚書衛一鳳墓在城北岡上劉同升撰碑
太子太保工部尚書白所知墓在縣南三里平頭村楊時
化撰碑

按察司田立家墓在縣東南二里

按察使賈之鳳墓在縣東北十里高泉村

副使李養蒙墓在縣東二十五里白巷村

僉事張志芳墓在縣東北十里煙裏村

御史楊新时期墓在縣南二十里土孟村

吏部尚書張慎言墓在縣東三十里屯城村侍郎田六善
撰碑

僉都御史張鵬雲墓在縣東三十里郭峪村西

澤州府志

卷之十四

陵墓

六

叅政王徵俊墓在縣東白巷村

河東道左叅議前邑令楊鎮原墓縣南壇側

國朝僉事段上采墓縣東一里

訓導白所蘊墓水磨頭村

刑部尚書白孕謙墓在水磨頭村北學士徐元文撰碑

給事楊時化墓在縣東三十里下佛村

御史陳昌言墓在縣東郭峪村

副都御史石鳳臺墓在縣東一里

戶部左侍郎田六善墓在窰子頭尚書韓莢撰碑

刑部左侍郎張爾素墓郭峪村

御史張念祖墓在縣東下佛村

陝西巡撫張瑋墓在潤城東莊北陰村尚書魏象樞撰碑

封翰林院編修田彤墓在縣西三里下芹村

浙江巡撫張泰交墓在墳頭灘大學士陳廷敬撰碑

贈光祿大夫田雨時墓在縣北山仇兆鰲撰碑

太子太師文華殿大學士謚文端田從典墓在縣北山

恩賜祭一次

陵川縣

石勒塚在縣西崇安寺佛座下郝文忠經詩都門長嘯氣

憑陵瓜割中原霸業興夜葬山間人不見至今猶有守墳

僧

唐宋侍郎墓在縣西南三十里

志失名

金義士趙振墓在縣東二里仕林莊

劉景元墓在縣東南二里楸樹窠元好問有誌

澤州府志

卷之十四

陵墓

七

梓州轉運司宋貺墓在縣南二十里義門村有碑記石羊

虎

郝晉卿墓在縣北三里楊大坂有墓碣門人河東元好問

撰

狀元趙安時墓在縣東仕林莊安時正隆狀元官至中順

大夫南京路兵馬都總管上騎都尉天水縣開國子食邑

五百戶賜紫金魚袋

少傅墓在縣南五里

志失名

元李朝列墓在縣東南二里楸樹窠有石翁仲羊虎

禮部牛侍郎潛墓在縣西北三十里池下村

尚書蘇萬初墓在縣東窠莊東閣外有神道碑

李尚書廷實墓在楸樹窠有神道碑

省曹尚書路元墓在附城鎮

李昭容墓在楸樹窠元貞元年選有宮中昭容閣

明御史張凝墓在少傅川

烈女武繼姑墓在城外十五里莊兒頭

戶部員外贈太常少卿申良墓在翠微山李士允誌銘

太僕卿張瓚墓在縣北八里魏家莊

主事李鍾墓在縣東五里

國朝定南知縣贈僉事曹邦偉墓在池下鎮

沁水縣

韓王墓中韓王村西又馬莊村有廢宅遺址其石柱鐫字云

宋韓絳故宅俗傳韓王卽韓絳也縣志謂絳爲宰相曾封

王非沁水人按宋史韓億開封人八子絳爲億次子無封

澤州府志

卷之十四

陵墓

八

王之文或唐初絳州刺史韓王元嘉耶

殷皇后墓縣東北松木村

周皇后墓張村 以上皆出俗傳其世不可考

宋竇將軍勲墓在臥牛山宋哲宗戚畹

竇將軍璘墓在竇莊邨 宣和殿侍讀學士李侁撰碑記

金大將軍朝請大夫張埜墓在城西南里許

明大司徒李瀚墓在富店村東嘉靖中諭葬墓田八十一畝

大學士張壁撰墓表

封吏部侍郎劉賓墓在坪上村北萬曆中諭葬

大司空太子少保劉莊靖東星墓在坪上村北萬曆中諭

葬墓田八十一畝

贈兵部尚書張官墓在竇莊村西天啟中諭葬

大司馬太子太保張五典墓在馬家坪天啟中諭葬

御史贈兵部尚書張忠烈銓墓在殷莊西天啟中諭葬墓

田八十一畝

贈倉場尚書孫辰墓武安村青龍岡

戶部尚書孫居相墓湘峪村莊頭

湖廣巡撫孫鼎相墓湘峪村大坪頭

國朝贈副總兵順治中給祭葬英烈將軍竇明運墓在李家
坪